



UNIVERSITÄTS-
BIBLIOTHEK
PADERBORN

Facilis Et Succincta S.S. Canonum Doctrina

Pirhing, Ehrenreich

Dilingæ, 1690

§. I. A quo, quando, & qualiter consecrari possint Ecclesiæ, & an requiratur ad consecrationem Ecclesiædotatio?

[urn:nbn:de:hbz:466:1-61641](https://nbn-resolving.org/urn:nbn:de:hbz:466:1-61641)

vel Fagnanum in c. grave 10. de offic. jud. ord. vel Kochier de jurisd. in exemptos, &c.

Queritur tertio quoties, & quo ordine, & modo facienda sit visitatio.

¶ 1. faciendam eam de jure antiquo c. conquerente 10. de off. ord. jud. & de jure novo Tridentini sess. 7. capite 8. de reform. singulis annis, vel saepius etiam, si necessitas, aut alia nova causa urserit ¶ 2. secundo ordinem & modum faciendae visitationis praescribit c. Romana 1. h. t.

in 6. ex quo c. etiam habetur, quod Archiepiscopus cogere quidem potest visitandos, ad veniendum, & faciendam veritatem, non tamen ad jurandum si inquisitio tantum sit generalis, quod etiam Laicos suae Provinciae non possit Archiepiscopus, quoad criminosa facta, matrimonia, & alia, quae forum Ecclesiasticum pertinent, consulatur & observetur consuetudo.

TITVLVS XL.

DE CONSECRATIONE ECCLESIAE VEL ALTARIS.

§. I.

A quo, quando, & qualiter consecrari possint Ecclesia, & an requiratur ad consecrationem Ecclesia dotatio?

Consecrari possunt Ecclesiae à solo Episcopo, & quidem proprio, vel cum proprii licentia, ab alieno *can. nemo 9. & can. nullus. 15. distinct. 1. de consecrat.* neque potest consecratio harum committi simplici sacerdoti, non Episcopo, cum consecratio Ecclesiarum sit actus ordinis Episcopalis. Possunt autem consecrari non tantum diebus dominicis, & festis sed quolibet alio die *c. Tua 2. h. t.* cum in his velut inanimatis consecrandis non requiratur tanta solemnitas, quanta requiritur ad consecrationem persona-

rum Ecclesiasticarum. Debet tamen consecrante Sacrificium Missae in eadem celebrari, saltem juxta consuetudinem, tamen, ut valide consecratur Ecclesia iam esse consecrata, licet consecratio celebraverit in ea. Consecratio non est, nisi prius ei de dote, quae componendo decimas, oblationes, aut alia conventiones sufficiat, pro luminibus, vestimentis sustentationem parochi & aliorum provisum, *c. cum sicut 8. h. t.* ad quod dote obligatur ex quasi contractu Episcopus dotor, vel qui eam fecit consecrator, heredes illius, cum Fundator talis, vel pater, habeatur hujus Ecclesiae, vel non possit dotare, tenebitur ad dotem subministrandam Episcopus consecrator ex redditibus suis Ecclesiasticis, ita ut ut ad hanc dotem nemo obligetur.

fundat; aut consecrat Ecclesiam religiosorum mendicantium, aut si ædificetur Ecclesia in monasteriis religiosorum redditus annuos habentium.

§. II.

In quibus casibus Ecclesia exsecratur, ita ut novâ consecratione indigeat.

Tres communiter casus recensentur à Gloss. in c. proposuisti 4. h. t. verbo reconciliari. primus est, si nesciatur vel dubitetur, an Ecclesia aliqua fuerit consecrata, ita ut nihil appareat, aut præsumi possit, de ejus consecratione, vel ex instrumento dotationis, vel ex alia scriptura, aut tabula parieti inserta, vel ex crucibus depictis, vel ex uno saltem teste, qui vidisse se testetur, vel ut concedunt aliqui ob favorem Ecclesie, qui testetur audivisse se, quod Ecclesia illa fuerit consecrata. *Can. Ecclesia 18. de consec. dist. 1.* quo in casu sub conditione, saltem mente reservatâ, ab Episcopo consecranda est Ecclesia talis.

Secundus Casus est, si Ecclesia propter exsecrationem novâ consecratione indigeat, eò quod scilicet igne exusta fuerit talis Ecclesia, non quidem, quod ligna tantum Ecclesie, aut tectum illius destructum sit, sed quod parietes interiores fuerint combusti, devastati, & abradi, vel ex toto, vel ex majore parte, in his enim fieri solet consecratio, per inunctionem sacri Chrismatis.

Tertius denique casus est, si totum Ecclesie ædificium, sive casu fortuito corruat, sive consilio destruaatur, non quidem successivè tantum, ita ut paulatim

Compend. Pirhing.

per partes semper minores Ecclesia repararetur, sed si simul, vel ex toto, vel ex majore parte destruaatur; in illo enim casu pars minor addita majori consecratur, per hanc majorem consecrata censetur, cum dignius, & quod majus est, trahat ad se, quod minus est, & minus dignum est.

§. III.

Quot & quibus modis polluatur, sive violetur Ecclesia, ita ut in ea divina officia celebrare non liceat, prius quàm reconcilietur, & quomodo, a quo Ecclesia polluta reconcilianda sit.

Violatur Ecclesia, ut reconciliatione indigeat, pluribus modis, prout habetur in c. proposuisti 4. h. t. & primò quidem per homicidium voluntarium, injuriosum, vel saltem contra reverentiam loco sacro debitam, commissum, per mortem scilicet ex sententia v. g. judicis in Ecclesia illatam, etiamsi fiat sine sanguinis effusione.

Secundò polluitur Ecclesia, per humani sanguinis effusionem voluntariam, & injuriosam, non quidem ex naribus tantum fluentem, ob percussione injuriosam in templo factam, cum ex naribus nimis facile, & in magna etiam copia sanguis eliciatur, sed ob alia vulnera in Ecclesia inflata, etiamsi periculum mortis in tali casu non subsit.

Tertio polluitur Ecclesia per adulterium, aut aliam quamcunque illicitam copulam, aut feminis copiosam effusionem, ac publicè notam e. significasti. de adulteris, ita ut in prioribus etiam casibus,

Kkkk

libus,